



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 81. Propositiones Parochorum juribus adversæ, ac damnatæ

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. vis materno duntaxat genere a Lionnelo  
 A.C. 1451. Clarentiæ Duce, secundo Eduardi III. Re-  
 gis Filio descendisset, Richardus tamen  
 nonnisi a tertio genito ejusdem Regis Fi-  
 lio Joanne Lancastriæ Duce Proavo suo  
 paterno genus suum traheret. Hæc di-  
 versa de Regno contendendum studia  
 successu temporis Angliam innumeris im-  
 plicarunt malis.

## §. LXXXI.

*Propositiones juribus Parochorum  
adversæ damnatæ.*

*Dupin. Bibl.  
 Aut. to. 12.  
 p. 146.*

*Argent.  
 Collect. ju-  
 dic. tom. 1.  
 p. 251.*

Hoc anno Facultas Parisiensis plures  
 damnavit propositiones, quibus Joan-  
 nes Bartholomæus Ordinis Fratrum Mi-  
 norum in quodam sermone Rothomagi  
 pronuntiato Parochorum jura laceffivit,  
 præcipue circa confessiones excipiendas.  
 Inter alias edixerat, Parochianos nec pe-  
 titâ Parochorum licentia, sua peccata li-  
 bere Religiosis Mendicantibus confiteri  
 posse. Jubebat Archiepiscopi Promotor  
 in illum inquiri: ast delata ad Parisiensem  
 Academiam caussa, die quarta Decem-  
 bris hujus anni ipsemet coram pleno Do-  
 ctorum confessu comparere haud dubi-  
 tavit. Cum autem ibidem pertinaciter  
 negaret, Parochianos semel in anno ad  
 deponendam Parochiis suis confessionem  
 obstrictos esse, in pervicaciæ suæ pœnam  
 per

per universitatis sententiam Licentiatus Sæcul. XV. A.C. 1452.  
 gradu dejectus est, summa quæstionis ad  
 Theologicam æque, ac juridicam Facul-  
 tatem devoluta. Quinto demum anno  
 eadem hæc caussa recruduit, cui ansam  
 præbuit quædam Nicolai V. Constitutio in  
 favorem Mendicantium edita.

## §. LXXXII.

*Fridericus Imperator Italiam petit,  
 coronam Imperii recepturus.*

Hoc anno prima Januarii Fridericus  
 Cæsar in Italiam profectus, Romam  
 petebat, ut Imperii coronam de manu  
 Pontificis acciperet. Ducebat secum La-  
 dislaum pupillum, Hungariæ, & Bohe-  
 miæ Regem, Albertum fratrem suum,  
 splendidumque Nobilitatis comitatum, sed  
 pacificum, & inermem, nequid terroris  
 inferret Italis, quorum mentibus alte ad-  
 huc inhærebant Prædecessorum Impera-  
 torum exempla Romanis oppido acer-  
 ba. Nihilominus sola Cæsaris præsen-  
 tia haud prucis terrori fuit; ipse quoque  
 summus Pontifex, cum esset natura ti-  
 midus, Friderici adventum suspectum ha-  
 buit, ejusque occasione populi tumul-  
 tum veritus, Capitolium, arcemque S. An-  
 geli valido milite instrui, turresque, ac  
 mœnia propugnaculis muniri jussit. Nec  
 tamen adeo obstitit metus, quin Impe-  
 rator

An. 1452.

*Nauclet. ge-  
 ner. 49. p. 434  
 Platin. in vi-  
 ta Nicol. V.*